

03 JUL 2000

MAHATHIR TERIMA KUNJUNGAN MENTERI PERTAHANAN FPDA

PUTRAJAYA, 3 Julai (Bernama) -- Perdana Menteri Datuk Seri Dr Mahathir Mohamad menerima kunjungan menteri dan timbalan menteri pertahanan dari negara-negara anggota Peraturan Pertahanan Lima Negara (FPDA) di pejabatnya di sini hari ini.

Selain Menteri Pertahanan Datuk Seri Najib Tun Razak, tiga lagi menteri pertahanan ialah Dr Tony Tan dari Singapura, John Moore (Australia) dan Mark Burton (New Zealand).

Sebuah lagi anggota FPDA, United Kingdom diwakili oleh Timbalan Menteri Pertahanan Dr Lewis Moonie.

Dalam pertemuan kira-kira sejam itu, Dr Mahathir diberi taklimat mengenai perkembangan semasa mengenai keselamatan serantau seperti keselamatan di sempadan perairan dan ancaman yang dihadapi.

Dr Mahathir juga diberi penerangan mengenai siri latihan pertahanan udara dan maritim (Adex) yang diadakan menerusi FPDA.

-- BERNAMA

NM NMO